



Insëra, mercui ai 01 de otober él gnü sughé l'andata dl secundo rode de Copa Provincia por la squadra da La Val. Sughé él gnü sön la plaza dl sport a La Val cuntra le Niederdorf.

Sciöche l'ann passè, à La Val inçe in chësc ann incuntè le Niederdorf sön le trù dla Copa Provinzia. Na partida in chësta ôta daldöt nia saurida, cun le gol dl vantaje che toma pormò a püc menüc dala fin.

I sógatus da La Val süga n bun pröm tēmp y bel do püc menüc él bel Adrian che ti sciampa ala defenjiun sön n pal arlungé dal mezcíamp, mo la trata rōia dlungia porta ia. Alexander M. mēss bel dô püc menüc lascè le cíamp a gauja de na strata. Alex E. tōl sò post y atira se prejēntel al limit tl'area a tra na puniziun, la bela trata sēcia vēgn de pūch deviada dlungia le pé de porta ia. Le medemo é ince protagonist de na bela trata cuntra porta pūch do, chësta vēgn architada sō de man da n defensur avversar, mo le mandl fosch ne à nia odü le fal evident, che ti ess costè le önescmetri ala squadra Pustra. De döt le pröm tēmp ne é le Niederdord nia stè plō cotan prigorius. Al 35ejim é spo Adrian che porta la squadra da La Val in vantaje cun n bel gol al jore. La defenjiun spizura de cé le pal che rōia a Adrian, chësc sighita nia dui iadi y abina le pal al jore sēch te porta.

Ti ultims menüc ne suzedl nia tröp y insciö sciūra l'arbiter la fin dl pröm tēmp sön le resultat de 1- 0 por La Val.

A confront dl pröm tēmp é la prestaziun dla secunda fraziun cotan plö debla. Bel do 10 menüć é na ripartenza dl Niederdorf fatale por la defeziun ladina. Le atacant röia da na pert ite y mēt le pal amez por le compagn che röia adalerch, chësc fala le pal y te na gran confuziun te area abina ciàmò n avversar le pal che cogora bel plan te sach. Le resultat à sēgn arjunt la parité de 1-1 y La Val mēss se sotmēt al jüch dl Niederdorf.

Le alenadù Floriani passa spo a n modul plö ofensif cun l'inserimēt de n atacant. Michi à ince sūa ocasiun sōn n bel assist delizié da pert de Andreas Miribung, a sò debut cun la maglia da La Val. Al ciafa le pal mo la bela trata al limit vëgn ciàmò deviada dal verda porta te ciantun. A pūć menüć dala fin sciūra le arbiter n önescmetri por La Val. Sōn n cross de Alex vëgn Stefan antizipé y sburlé a tera. Michi se prejēnta sōn le punt di önescmetri, le pal da ũna na pert y le portier dal atra. 2 a 1 por La Val al 87ejim. Da remuntè le resultat ne purdūj le Niederdorf nia plö. L'andata dl secundo rode va insciö a La Val.

La partida de retöda gnarà sugada ai 15 de novēمبر a Niederdorf.

In sabeda ai 04 de otober süga La Val la sesta partida de campionat a Aicha cuntra la squadra de ciassa, dales 17:00!

Formaziun titolara: Julian Moling, Elmar Valentin, Paolo Vallazza, Marco Casltunger, Egon Frenes, Max Nagler - capitan, Marco Sottara, Freddy Sottara, Adrian Miribung, Manuel

Stampfer y Alexander Miribung.

Alenadù: Floriani Claudio

Sostituziuns:

Alex Elzenbaumer gnü ite imped Alexander Miribung (10[^] menüt)

Michi Frenes gnü ite imped Adrian Miribung (60[^] menüt)

Andreas Miribung gnü ite imped Manuel Stampfer (65[^] menüt)

Stefan Sottara gnü ite imped Marco Sottara (70[^] menüt)

A chësc lynch pon ciafè i resultač dles atres partidas de Copa Provinzia : [altoadigegol](#)

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitès portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.